

# DR MESAL DOKTRIN FUKUDA TAK DILAKSANA

Dari BAKAR ISMAIL

TOKYO, Isnin — Datuk Seri Dr Mahathir Mohamad hari ini berasa kesal dengan doktrin Fukuda yang diumumkan dalam tahun 1977 dulu masih belum dapat diwujudkan.

Dasar yang dilancarkan oleh bekas Perdana Menteri Fukuda itu ialah bentuk hubungan baru di bidang ekonomi secara

praktikal antara Jepun dan negara-negara Asean.

"Saya percaya keaikan praktikal yang dihadapi oleh Asean bagi penggunaan nyata terhadap wang sejumlah AS\$1,000 juta untuk membantu projek industri Asean itu perlu diselesaikan segera.

"Dengan cara itulah maka bentuk rangkaian hubungan kita boleh diterjemah menjadi contoh kukuh kerjasama Asean-Jepun, dan bukan dengan menjadikannya satu keriasa cadangan yang masih belum terlaksana," tegas Perdana Menteri ketika berucap di Tokyo.

Kalisan dalam satu majlis makan tengah hari. Majlis itu, yang dihadiri oleh ramai usahawan terkemuka Jepun, dianjurkan oleh Persekutuan Pertubuhan Ekonomi Jepun, Majlis Perdagangan Luar Negeri Jepun, Jawatankuasa Jepun Untuk Pembangunan Ekonomi, Dewan Perniagaan Perdagangan dan Industri Jepun, dan Peratuan Persekutuan Majikan-Majikan Jepun.

## Teknologi

Perdana Menteri berkata: "Yang penting bukanlah hanya satu keperluan untuk diplomasi hati ke hati, tetapi permindahan teknologi dari otak ke otak dan kerjasama tangan ke tangan bagi membina hubungan masa ini menjadi suatu yang boleh memberi faedah bersama dan berkekalan, demi kepentingan asas rakyat kita.

Sebelum ini, Perdana Menteri menerangkan, walaupun hubungan ekonomi Jepun dengan Asean pada amnya, dan Malaysia khususnya adalah baik, hubungan 'konvensional' di mana Jepun terus menjadi rakan yang berkuasa tidak boleh diteruskan.

"Kami di selatan sekarang ini mengalami kadar pertumbuhan yang cepat seperti yang Jepun alami satu dekad lalu.

"Sebagai sebuah rantau di dunia yang pesat berkembang, Asean berharap mengurangkan jurang ekonomi dengan negara-negara sedang membangun dalam tempoh satu atau dua dekad lagi," tegas Perdana Menteri.

Perdana Menteri memberitahu perhimpunan usahawan di majlis makan tengah hari itu, Jepun adalah rakan niaga Asean yang terpenting.

Jumlah import Jepun dari Asean adalah 15 peratus dan 10 peratus eksportnya ke negara-negara Asean.

"Asean adalah pembekal utama bagi getah, timah, sawit, kayu-kayuan, tembaga dan baukit kepada Jepun, dan walaupun kurang dari 20 peratus datangnya dari rantau kita, namun sebagian besar minyak Jepun melalui perairan Asean," kata Datuk Seri Dr Mahathir.

Perdana Menteri berkata, hubungan yang berdasarkan kepada keperluan masing-masing mengikut taraf negara maju dan sedang maju tidak boleh digunakan lagi.

"Secara politik, peraturan begitu tidak lagi boleh diterima," tegas Perdana Menteri.

Mengenal dasar Pandang ke Timur yang diumumkan sekarang, Perdana Menteri berkata: "Inti dasar 'Pandang ke Timur' ialah seruan untuk kembali mengamalkan falsafah gotong-royong: Ia menekankan semua keperluan terhadap kesedaran untuk bekerja kerana, kesungguhan dan dayausaha.

"Kita telah meletakkan satu sasaran berdasarkan matlamat-matlamat yang sama yang telah menjadi matlamat anda (Jepun) dalam tahun 60-an — terutama untuk mencapai 'Kodo Seicho' (pertumbuhan tinggi yang cepat) melalui 'Sei-

sanryoku Kakuju' (menambah keupayaan pengeluaran), 'Shokusan Kogyo' (kadar pengeluaran industri yang lebih tinggi) dan 'Yusubutsu, Shinko' (penggalakan eksport).

"Dalam hubungan ini, kita mempunyai persamaan di bidang kesungguhan untuk berupaya mengawal masa depan ekonomi kita dengan lebih luas lagi."

Perdana Menteri menjelaskan, Malaysia mengharapkan satu hubungan yang berpanjangan — satu hubungan rakan niaga yang dapat memenuhi kepentingan bersama pihak penanam modal dan juga negara tuan rumah.

"Yang kita mahu ialah tidak lain dari sistem 'Uchiwa' (temua keluar) Jepun," tegas Perdana Menteri.


## Malaysia dan Jepun setuju mansuh visa

TOKYO, Isnin — Malaysia dan Jepun akan menandatangani satu perjanjian pemansuhan visa esok di sini.

Perjanjian itu akan ditandatangani oleh Menteri Luar, Tan Sri Ghazali Shafie dan Menteri Luar Jepun, Shintaro Abe, dalam satu majlis petang esok.

Mengikuti perjanjian pemansuhan visa itu, rakyat kedua negara boleh masuk secara bebas selama tiga bulan ke Jepun dan Malaya.

Perjanjian ini akan berkuatkuasa mulai 1 Mac ini.



PERDANA Menteri, Datuk Seri Dr Mahathir Mohamad (kanan), diringi oleh rakan sejawatnya dari Jepun, Yasuhiro Nakasone, melambatkan tangan mereka ketika melalui barisan kakakanak sekolah yang mengibarkan bendera-bendera Malaysia dan Jepun, sewaktu upacara menyambut ketibaan beliau di Rumah Tamu Tokyo, pagi semalam. — Gambar AP.

Bahan asal dari Arkib Negara Malaysia